

VADEMECUM

Relaziun finala dl practicum

(repartiziun ladina)

Numer de plates

La relaziun finala dl practicum é de almanco 10 plates + eventuales injuntes.

Aspet formal

Al vègn consié da se tigní ales indicaziuns dades dant por la tesa de laurea.

Strotöra

- a) Pröma plata cun dac
- b) Indesc
- c) Introduziun
- d) Percurs dl practicum: esperiënzes fates y conescënzes acuisides
- e) Reflescium, analisa y valutaziun generala, coliamënt danter teoria y pratica
- f) Publicaziuns de referimënt (bibliografia/sitografia)
- g) Eventuales injuntes
- h) Detlaraziun de autentizité dl laur

Contignü

La reflescium finala, arichida cun leteratöra scientifica y cun esperiënzes fates tratan le stüde, evidenziëia le coliamënt danter teoria y pratica tratan döt le percurs formatif y svilupëia prospetives por la profesziun, dandadöt en relaziun ala personalité de vigni maester/maestra.

Lingaz dla relaziun scritta

Sce la tesa de laurea vègn scritta por ladin mëss la **relaziun finala dl practicum** gní scritta ti **trëi lingac** ladin, talian y todësch te perts granes anfat.

Sce la tesa de laurea ne vègn nia scritta por ladin mëss la **relaziun finala dl practicum** gní scritta **ma por ladin**.

Termins y modalitè da dé jö la relaziun

La pröma verjiun dla relaziun finala dl practicum mëss gní dada jö dui mëisc dan l'ejam de laurea. La verjiun definitiva tl format digital PDF/A aprovada y sotescrita dala coordinadëssa dl practicum mëss gní ciariada sön Cockpit anter 40 dis dan l'ejam de laurea. La relaziun ne mëss nia gní dada jö tla forma stampada.

Lingaz dla presentaziun dla relaziun dal ejam de laurea

La presentaziun dla relaziun finala dl practicum vègn fata te n ater lingaz dla presentaziun dla tesa de laurea. La discussiun dla tesa de laurea y dla relaziun finala dl practicum tol ite duc i trëi lingac.

Otober 2024